

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Avaritiæ pestis.

[urn:nbn:de:hbz:466:1-68709](#)

ferias facit, justisque persolutis, barbarem tellurem linquit, versus insulam Delon vela facit, non sine dira execratione sceleratae cupidinis habendi.

Aliter paulò recenset hanc fabulam Euripides in Hecuba tragœdia, & ex eo Ovidius. Scilicet Polydorum etiamnum infantem à parente Priamo ad Polymnestorem Thraciæ regem, missum, clām alendum, addito magno auri pondere. Ut verò ceciderat fortuna Phrygium, impium tyrannum corripuisse ferrum, jugulimque puero multis vulneribus hausisse: Utque criminis suspicionem à se aboleret, cadaver in undas projecisse. Græcos eversa Troiā, dum repetunt patriam, in eam Thracum regionem cum captivis viris, feminisque delatos: ibi Hecubam nuper Troianorum reginam, Priami conjugem, cum concaptivis feminis, post tot suorum clades & funera, Vlyssis servituti addictam, cùm fortè corpus Polyxenæ filiæ, ibidem ad aram mactatæ ablutum ad littus progrederetur, Polydori sui cadaver, fluctibus ejectum, multisque plagis confossum reperisse; primoque stetisse attonitam, postea agnito filii corpore, in lamenta effusam; denique ultiōnis cupiditate stimulatam, Tyrannum ad secretum colloquium evocâsse, simulansque, se ingens auri pondus velle illi secreto indicare, quod pro filio redderet (nam Polymnestor finixerat Polydorum vivere ac valere) ceterum hominem avarum, fide adhibita, in tabernaculum captivarum ingressum, protinus ab iis invasum, unguibus laceratum, & exoculatum fuisse. Quō compertō Thraces lapidibus ac maledictis Troiadas abnavigantes incessisse: Hecubam diras, ac devotiones in barbaros strenue regessisse, subitoque in canem, corpore magis, quàm animo mutato, conversam fuisse.

Ethica.

Quid non mortalia pectora cogis
Auri sacra famæ

(a) Exclamat in commemoratione hujus cædis Maro. O detestabilis & execranda (hoc enim significat vox *sacra*) auri cupiditas quod officium non violas, quod hospitium non polluis, in qua sclera non adigis eos, quos possides! Quid verò crudelius? Polymnestor rex occidit regis filium aluminum; quid perfidiosius? propinquum: quid injustius? hospitem: quid magis nefarium? Et cur? ob augum,

(a) Avaritia pessima.

eb metallum fulvum , quod à Plinio vocatur *perniciosum* , à Persio *dolosum* , ab Ovidio *nocentissimum* , à Propertio *inimicum fidei* , à Platone *infustum* , à Plauto *malesuadum* , à Virgilio , quod fas omne abrumpit , & omnia divinarum , humanarumque legum jura perfringit ! Tullius offic. Nullum vitium est tetrius , quam avaritia , præsertim in Princibus , & rempubl. gubernantibus , qualis erat Polymnestor . Et Sallustius in Catil. avaritia fidem , probitatem , cæterasque bonas artes subvertit : pro his superbiam , crudelitatem , deos negligere , omnia venalia habere edocuit . Avaritia scelerum omnium mater est . Anacreon hoc conqueritur .

Pereat malè , expetendi
Qui , primus auctor auri :
Spernuntur hinc parentes :
Hinc cura nulla fratri :
Hinc & cruenta bella :
Quod maximum malorum est ,
Quicunque amamus , omnes
Per hoc perimus unum .

Huic adsonat Tibullus lib. i. eleg. 10.

Quis fuit horrendos qui primus protulit enses ?
Quam ferus , ac verè ferreus ille fuit .
Tunc cædes hominum generi , tunc prælia nata ,
Tunc brevior diræ mortis aperta via est .
At nihil ille miser meruit ; nos ad mala nostra
Vertimus , insævas quod dedit ille feras .
Divitis hoc vitium est auri : nec bella fuerunt ,
Faginus adstabat cum scyphus ante dapes .
Non arces , non vallus erat : somnumque petebat
Securus varias dux gregis inter oves .

Quia verò de hoc vitio sæpius disserimus , non opus est hic exemplis crudelitatis & prodigionis propter aurum patratis . Id advertamus , nullum esse nefas tam occultum , quin denique in lucem erumpat . Putabat Polymnestor , facinus suum alta tellure sepultum ; erravit . Manus sunt subterranei , & sanguis ex tumulo quoque loquitur . Quod si cadaver (ut alii scribunt) in mare jaçtavit , enatavit tamen , ducente Nemesi , & cædis autorem manifestante . Ita nec terra , nec undæ perfidiam ferunt , teguntve . Nox , oculorum tyranno diem abstulit , ut clarius

clariū in tenebris scelus suum videret, & meminisset cæcitatem se nīmio fulgori, quod aurum reddebat, debere. Hæc de Polymnestore. De Hecuba in canem mutata paulò plura commentabimur in earum gratiam, quibus canina est in ore facundia.

II. (b) Quid ira sit feminea cum aliis perspeximus, tum ex Hecuba & concaptivis Troiadibus patet. Proverbiō fertur. *Ex ungue leonem.* Scilicet æstima. Polymnestor quamvis rex ex mulierum unguibus didicit, qualis sit bellua sexus hic, furore concitatus. Siracidis dictum est c. 25. *Non est ira super iram mulieris.* Commorari leoni & draconis placebit, quam habitare cum muliere nequam. Etiam ferocissimæ bestie cicurantur; mulier iracunda cum semel debacchari cœpit, nullos rationis frænos admittit, exasperatur mulcendo. De hac bellua Salomon Prover. 21. *Melius est habitare in terra deserta, quam cum muliere rixosa & iracunda.* Et iterum ibidem: *melius est sedere in angulo domatis, quam cum muliere litigiosa in domo communi.* Id est, satius est solitarium degere in tecto, & sub dio, ventis, pluviis, cæterisque aëris injuriis exponi, quam in domo communi & domesticis frequente, habitare cum muliere contentiosa. Hujus enim litigia omnibus cœli injuriis respondent: dum clamat, tonat: cum probra & maledicta jacit, fulminat: cum contendit & litigat, nimbos & tempestates ciet: urit, cum querula est: & cum rigidam se, & minimè amantem exhibit, glaciem effundit. Expertus hæc tempestates est Socrates, quem cum uxor Xantippe post multos clamores, aquâ per fenestram sparsâ perfudisset: Facile, inquietabat, hoc futurum putabam, ut post tonitruum, pluviam sentirem. Menandri vatis monitio est: Præstat canem irritare, quam anum, qualis fuit Hecuba. Sed juvenculae plus etiam, quam vetulæ dentatæ sunt: viris non tantum oblatrant, sed eos etiam invadunt & mordent, ut Polymnestorem Phrygiæ, quas, Poëta teste,

----- facit ira valentes.

De Hecuba Ovidius:

----- at hæc missum rauco cum murmure saxum
Morsibus insequitur: rictûque ad verba parato
Latravit, conata loqui.

Quotidiana hæc seminarum metamorphosis: de quibus Plautus in Menachmo

M. Non tu scis, mulier, Hecubam quapropter canem
Græci esse prædicabant, V. non equidem scio,

M. Quia

(b) *Ira seminarum.*